



TRÁFICO DE PASAXEIROS AEROPORTUARIOS

CADRO: TRÁFICO DE PASAXEIROS AEROPORTUARIOS

Organismo responsable:	Área de Estudos e Investigación da Axencia Turismo de Galicia
Metas de información:	Evolución do volume de pasaxeiros dos aeroportos de Galicia
Obxectivos:	O obxectivo desta actividade é a de coñecer o volume dos pasaxeiros que empregan un dos tres aeroportos galegos para levar a cabo a súa viaxe, así como a súa evolución ao longo do tempo e a importancia que ten dentro do conxunto de persoas que empregan o avión como medio de transporte en España
Tipo de actividade:	Continua
Período inicial:	O período inicial é o primeiro mes para o que temos dispoñibles datos: Xaneiro 2000
Periodicidade:	Mensual
Ámbito xeográfico:	Galicia
Colectivo:	Persoas que viaxan en avión
Filtro:	Viaxeiros que empregan algún dos aeroportos de Galicia (A Coruña, Santiago de Compostela ou Vigo)
Método de recollida:	Recollida de información vía web
Fonte dos datos:	AENA
Enlaces fonte orixinal:	http://www.aena.es/csee/Satellite?pagename=Estadisticas/Home
Medio difusión:	Páxina web da Área a través do portal da Axencia Turismo de Galicia
Publicacións:	Informes en formato texto e táboas de datos
Prazos publicación:	Informe carácter mensual



ACTIVIDADE: TRÁFICO DE PASAXEIROS AEROPORTUARIOS

1. Contacto

Organización: Área de Estudos e Investigación da Axencia Turismo de Galicia
Dirección: Estrada Santiago - Noia km 1. A Barcia - 15897
Santiago de Compostela (A Coruña)

2. Presentación estatística

2.1. Descrición dos datos

O estudo dos viaxeiros que viaxan en avión necesita dun marco de estudo global, información que é recollida a través das estatísticas ofrecidas por AENA co volume de pasaxeiros que empregan os aeroportos para levar a cabo a súa viaxe. Esta información non ofrece unha distinción entre turista ou excursionista, pero si permite establecer un limiar a partir do cal elaborar posteriores estudos.

2.2. Sistemas de clasificación

Neste pequeno informe a única clasificación que se emprega é a diferenciación segundo aeroporto: Alvedro (A Coruña), Lavacolla (Santiago de Compostela) e Peinador (Vigo).

2.3. Cobertura por sectores

A información que se recolle fai referencia exclusivamente á rama 511 Transporte aéreo de pasaxeiros

2.4. Conceptos e definicións estatísticos

Viaxeiros que empregan o avión para realizar a viaxe. AENA recolle nas súas cifras de usuarios dos aeroportos tanto as entradas como as saídas dos mesmos.

2.5. Poboación estatística

Persoas que empregan o avión para realizar a súa viaxe

2.6. Ámbito xeográfico

Galicia

2.7. Cobertura temporal

Mensual

2.8. Período base

Primeiro mes do que se dispón de datos: Xaneiro de 2000

2.9. Unidade de medida

Persoas

2.10. Período de referencia

Mes

3. Mandato institucional

3.1. Actos xurídicos e outros acordos

Esta actividade non están contemplada en ningunha normativa oficial, nin da Axencia de Turismo de Galicia nin do Instituto Galego de Estatística (IGE)

4. Confidencialidade

4.1. Política de confidencialidade

A Lei 12/1989, de 9 de maio, da Función Estatística Pública obriga ao INE a non difundir en ningún caso os datos persoais calquera que sea súa orixe. Enténdese que son datos persoais os referentes a persoas físicas ou xurídicas que ou ben permitan a identificación inmediata dos interesados, ou ben conduzan pola súa estrutura, contido ou grao de desagregación a identificación indirecta dos mesmos. Por outra parte, o Regulamento (CE) nº 223/2009 do Parlamento Europeo e do Consello, de 11 de marzo de 2009, relativo á estatística europea establece a necesidade de establecer principios e orientacións comúns que garantan a confidencialidade dos datos utilizados para elaborar estatísticas europeas e o acceso a eses datos confidenciais, tendo en conta o progreso técnico e as necesidades dos usuarios nunha sociedade democrática.

4.2. Tratamento de datos confidenciais

A Área de Estudos e Investigación adopta as medidas lóxicas, físicas e administrativas necesarias para que a protección dos datos confidenciais sexa efectiva, dende a recollida de datos ata a súa publicación. Nos cuestionarios das enquisas inclúese unha cláusula legal que informa da protección que ampara aos datos recollidos. Nas fases do tratamento da información os datos que permiten a identificación directa só se conservan mentres son estritamente necesarios para garantir a calidade dos procesos.

Na publicación das táboas de resultados analízase o detalle da información para evitar que poidan deducirse datos confidenciais das unidades estadísticas. Nos casos en que se difunden ficheiros de microdatos, estes sempre están anonimizados. Os datos de identificación directa non se gardan xunto coa propia información estatística despois da fase de recollida de datos.

5. Política de difusión

5.1. Calendario de difusión

A publicación co avance do calendario realízase o último mes de cada ano e amosa as datas exactas da publicación as estatísticas conxunturais e o mes de publicación das estatísticas estruturais.

5.2. Acceso ao calendario de difusión

O calendario de publicacións difúndese a través da páxina web da área (Calendario de publicacións)

5.3. Acceso do usuario

Os datos difúndense de xeito simultáneo segundo o calendario de publicación, na maioría dos casos acompañados de nota de prensa. Ao mesmo tempo os datos publícanse na web da Axencia Turismo de Galicia (<https://www.turismo.gal/aei/portal/index.php>).

5.4. Frecuencia da difusión

Difusión mensual

5.5. Comunicados

Os resultados das actividades difúndense xeralmente con informes que se poden consultar tanto no menú correspondente á operación como no apartado das publicacións máis recentes.

5.6. Publicacións

Táboas de datos e informes publicados dentro da páxina web da Axencia Turismo de Galicia:

- **Datos:** <https://www.turismo.gal/aei/portal/index.php?idm=134>
- **Informes:** <https://www.turismo.gal/aei/portal/index.php?idm=154>

6. Relevancia

6.1. Necesidades do usuario

Entre os usuarios da actividade hay que destacar: Outros organismos públicos (observatorios, etc.), Administracións territoriais (deputacións provinciais), Investigadores e mundo académico, Empresas e institucións sen fin de lucro (servizos de estudo de empresas, fundacións, asociacións, etc.), sindicatos e organizacións patronais. Prensa e medios especializados. Particulares.

6.2. Satisfacción do usuario

Non existe enquisa de satisfacción dos usuarios específica para esta actividade. As peticións de datos trátanse de xeito puntual e satisfáense en tempo e forma na súa práctica totalidade, sempre que permita as desagregacións solicitadas.

7. Oportunidade e puntualidade

7.1. Oportunidade

Publicación ao día seguinte da publicación dos datos por parte de AENA

7.2. Puntualidade

Os resultados da enquisa publícanse de acordo ao calendario de publicacións da área de Estudos e Investigación.

8. Coherencia e Comparabilidade

8.1. Comparabilidade geográfica

A homoxeneización dos datos permite unha comparabilidade co resto de Comunidades Autónomas, así como unha comparación tendo en conta os aeroportos individualmente

8.2. Comparabilidade temporal

Os datos son comparables mensualmente en todo a serie analizada dado que teñen o mesmo período base

9. Revisión de datos

9.1. Revisión de datos - Política

A Área de Estudos e Investigación non dispón dunha política que regule a revisión dos datos estatísticos.

9.2. Revisión de datos - Práctica

Os datos son definitivos cando son publicados por primeira vez e non están suxeitos a revisión. Si se detectan erros e os datos e informes deben ser modificados, entón engádese unha nota explicativa xunto coa información co fin de advertir aos usuarios que os datos foron cambiados.

10. Tratamento estatístico

10.1. Datos de orixe

Páxina web oficial de AENA

10.2. Frecuencia da recollida de datos

Mensual

10.3. Recollida de datos

A recollida de datos ten un lapso de tempo de días dende a publicación por parte de AENA

10.4. Axuste

Non dispoñible

PROCESO: TRÁFICO DE PASAXEIRO AEROPORTUARIOS

11. Proceso de elaboración

11.1. Proceso de elaboración: Método

O proceso para a análise de datos das actividades realizadas pola área resúmese no seguinte proceso:

- Recollida da información procedente de diferentes fontes (enquisas propias, rexistros administrativos, microdatos procedentes doutras entidades,...)
- Incorporación da información obtida e incorporada a unha base de datos baixo a que se pode depurar e executar procesos empregando a linguaxe SQL
- Análise dos datos a través da súa explotación en libros de cálculo ou mediante guións de desenvolvemento empregando a linguaxe R
- Elaboración de informes e táboas de datos mediante o emprego de procesadores de texto ou a través de guións empregando a linguaxe R
- Publicación dos informes e táboas obtidos na páxina web da área para a súa difusión

Estas actividades poden estar en dúas fases de implementación:

- **Fase de desenvolvemento:** Esta fase caracterízase porque a actividade segue recollendo novas análises ou comentarios que fan enriquecer a información publicada final. Nesta xéranse os informes previos, novas estimacións de cálculo ou novas implementacións de código en SQL, R ou a través de libros de cálculo.
- **Fase de produción:** Esta fase caracterízase porque o mecanismo de xeración da información final ao usuario está definida claramente e establécense procesos automáticos para a súa publicación e comunicación aos diferentes usuarios. Cabe destacar que nesta poden xurdir cambios que trasladan novamente a actividade á fase de desenvolvemento.

11.2. Proceso de elaboración: Tráfico de pasaxeiros aeroportuarios

O proceso de ocupación está en fase de produción